

中华全国图书馆

文献缩微中心



山西省图书馆 摄制

1989

[光緒]汾陽縣志十四卷首一卷

(清)方家駒 庆文纂修

清光緒十年刻本

十册

原件收藏

山西省图书馆

原件书号

3477-86

原件状况

原件有部分虫蛀

原件有部分字迹模糊

原件个别地方有污迹

本部书共摄制 2 卷

(1) 首一卷卷一至卷八

(2) 卷九至卷十四

版权所有 不准复印

本部书开始

本片卷含： 首一卷卷一至卷八



續修汾陽縣志序

乾隆間縣志成於戴氏東原體例盡美無以易也道光季年邑人曹氏藝五踵事修輯補遺正誤續編凡若干條曹氏本邑族藝五又稱通儒習知習見竭畢生精力考訂詳核修志時輒出所著書印證大要尤在不改前人作最為卓識余每讀而善

山西
地方
文獻

00270

(9477)

之光緒五年 前爵撫曾慨然有百國寶
書之思 奏請纂修山西通志檄下汾

陽六年前署任方以汾志經戴曹手定無
事發凡起例屬邑紳奉為圭臬七年余再
官斯邑脫稿後以雜出衆手未能協一迺
聘碩輔王君主其事往復諮商期於至當
書垂成余以奉職無狀鎬級代謝息息追

維治理彌深慙慙昔人謂政事文章相為
表裏諒哉言乎以方志論首重體例我


朝自洪稚存先生著乾隆府廳州縣志章
實甫先生著文史通義後賢循墨守迹執
柯伐柯其則未遠所難者能文章者不諳
吏治達治體者率陋篇章方志之修自
朝章典禮案牘公式以迄鳥獸草木之微

繁徵博引去取區分舉無累黍不失者馬
遷首創史記班氏始列人表至今嘗為世
詬病况下之乎余既幸是書之成而未能
必其無失也則惟盡其在己而已復之王
君其亦有取於斯

光緒八年十月

賜進士出身同知銜知汾陽縣事慶文書





敘
汾陽縣續志成 天令慶公蔚堂委
余叙其事夫余言伊足為重輕而獲
此寵命得附麟尾以顯其名亦云幸
矣按縣志自休寧款東原昆人曹書
晨兩先生著訂後與成華本其棄煩
就省繁屬存真可謂不遺餘力而於

黜陟損益之間人猶肯護其後者甚
矣楚三長者之難其人也 慶公以
楚台名宿來淮斯土而鹵汜又文獻
之邦其平日訪遺踪搜軼事或得諸
稗官之耳食或得諸楚老之口碑土
壤細流均歸涵納而條分縷析不厭
詳非孰誠孰浮孰得孰失久已爛斐
於胸中一旦筆之於書不啻取諸其
懷而予之也其為信史無疑矣是及
也實與劉君字友李君正輔始終其
事其互相參訂若者為創若者為因
若者似創而實因若者似因而實創
若者精於人地之辨漏若者位後人
之津梁誠恐有餘能辨之余言誠不足為

重輕也。是為敘。賜進士出身。分州府儒學教授。樂平李鳴鳳撰。



敘

志曷為有乎。紀實也。志曷為能傳乎。傳以實也。紀實事固可傳。而傳之既久。別恐有因殘缺而漸就掩沒。且時會屬殊風俗。而友山川。鍾毓之奇。表澤培之。力嘉言懿行。日增月盛。

苟不補三續之不足感於方而唯繼
於後哉光緒五年 憲臺曾公行札
各州縣續修舊志汾陽為西河首邑
蓋名勝之區也爭先快覩衆者同情
慶公蔚堂適宰是邑乃合宇文劉公
正輔李公並糾衆紳士悉心釐正參

互考訂刪其所可刪增其所可增實
事求是不敢為鋪張揚厲之辭而質
勝者文自茂儼彬之守國史之勝也
余於去年冬始來汾州導府學於汾
陽市城新蓋其開而睹斯志之成山
河之如也其在且考且志者節歲事者

奇行者不一而足庶幾我輩潛德在石
獲之先舊編年不壞之消後之人知
人論世不至有文獻無徵之歎亦可
備輔軒一采乎余固陋不能文因董
事之請乃記教語而為之序
癸酉科舉人汾州府儒學訓導劉春

豫撰



敘

周禮小史掌邦國之志古
邦國今郡縣也晉之乘楚
之檮杌魯之春秋皆縣志
類矣汾陽古茲氏地今為
附郭邑人物特盛志乘一



書始於前明一再纂輯迨
至

國朝乾隆道光閒東原戴氏
集其成藝五曹氏補其闕
汾陽之志殆無遺憾焉光
緒五年前爵撫曾公 奏

請纂修山西通志檄各縣
續修縣志閱五年而續志
成為今光緒十年甲申歲
也六月既望余受篆訖邑
紳以續志稿進且徵序余
自維荒陋作吏十年久疏

簡畢奚能文雖然一邑之
疆界險夷水道通塞儲積
盈虛戶口增損風俗美惡
人物盛衰皆可於志書考
之守土者按圖索驥因文
徵事利可興害可除何以
培文風何以裕生計何者
宜因何者宜革補偏救弊
中材焉亦可效尺寸功志
之繫於守土者不綦重歟
志曰續循舊例也因也非
創也王君碩甫主之劉君

序
宇文李君正甫左右之總
其條理則慶蔚堂明府之
力為多方午橋成績樓徐
芮南三君與府縣諸學博
亦與有勞焉余樂觀厥成
附名簡端為幸多矣因書

數言以為序

光緒十年甲申八月江右

崇仁李其滋撰



汾州舊志序畧

冀南道彭公

範

郡有志猶國有史也第崇文者鮮實要稽事者失雅馴
好古綴文之士每以爲恨余往閱武功志文簡事該心
竊慕之及分鎮西河暇覽郡乘繁畧互失乃造文谷孔
公而問焉曰郡有善志則邦多聞人汾志未修非缺典
乎公遂慨諾旁搜博採按舊擇新實則據事而直書文
則刪繁以就簡地理志而圖籍可察矣建置志而興廢
可稽矣藩封志而茅胙有徵矣祠祀志而秩宗不廢矣
田賦志而惟正可供矣官師志而賢才可辨矣人物志

汾陽縣志
而尚友有資矣選舉志而賢能不蔽矣志取既精於決
擇發論不謬於是非較武功而藻飾過之矣雖謂汾史
可也

邑人王公

續

余惟志之匪易修也傷繁則涉於支太簡則病於滲容
私則毀譽競於多岐徇情則名實淆於罔覈祇取誣焉
爾余乃躬歷四境咨訪搜羅西至禹門登萬戶山過向
陽坂踰金鎖關跨龍橋陟彪嶺俯瞰馬跑之泉轉北徑
卜山探石室遡隱泉東下涉萬谷河循汾水之涯迤邐
而南抵中陽界旋謁狄武襄祠過文潞公舊宅訪宋之
問故墟凡山河之形勝人物之遺跡建置之因革無不
手錄復稽叢典章叅考圖籍兩更寒暑稍稍完此數篇
心力亦既竭矣

邑人孔公 天籟

冀南五州汾志獨無郡守陳公三致意焉敦求鄉進士
龍岡主緯開館撰次數月書成存名物於故事寥絕之
餘創圖史於草藁莫屬之後其有功於郡豈不鉅哉余
廢著嘿塞杜門絕省問分守東谿彭公約州守龍喁張
公別駕少陂黃公下問焉曰古之閉戶者率著書今君
安得嘿然而已乎幸勉爲修志余於是取郡志修之定
爲八卷曰地里曰建置曰藩封曰祠祀曰田賦曰官師
曰人物曰選舉合而觀之則一郡之事聊可槩而半因
於王君之所搜討益信其爲國史才不可沒也至於宏

備精覈尙有望於博雅君子焉嘉靖己未九月始庚申正月鏡梓

州刺史自公

夏

汾故志蓋文谷孔大夫所纂次云顧自己未以來迄今三十載事以時異人以時殊苟非增論而錄次之則後之人諮利病者將考鏡焉無由矣於是搜往鏡今揭綱分目秉正協義考制折衷不憚校讐者三閱月而稿始成是故閱地里則封疆分明考建制則民力普存於祠宇見崇祀邪正之辨於田賦見戶田登耗之由官師具而善敗以分人物紀而勸懲攸寓

邑人主公

續

汾故無志自嘉靖甲寅歲先兄龍岡草創之殫精竭力
彙成四冊己未文谷孔公修飭之酌古準今釐爲二冊
鈔梓並傳既歷三紀矣頃郡守道南白公披閱之謂己
未迄今人物官師流芳者衆而建置有增田賦有議藝
文有遺凡可厚民生而扶世教者皆宜補之適大叅寅
齋陳公至雅重文獻銳意主裁屬余撰次余今分類紀
事惟準先兄而立義修詞多資文谷雖時異勢殊稍有
筆削而綱領條貫均無所更易稿完仍附兩志叙畧於
左

范公 聯芳

汾陽縣舊汾州也嘉靖甲寅前尙無志創於郡人王龍岡嗣是孔文谷王龍洲後先相繼龍岡以州守陳公志文谷以大叅彭公志龍洲以州守白公志猶皆州志也今常山尹大夫刪繁補缺序錯訂訛爲縣志書成命余校焉余非學兼五至美擅三長烏能贊一詞及受而卒業見八景有題三害有論趙公反覆於強宗蔡君遐想夫沮洳種種瞻而不穢詳而有體升降損益之機開卷在日矣

汾陽縣舊志序畧

邑人朱公之俊

今郡邑之志古列國之史也周官外史掌四方之志小史掌邦國之志古之志皆以史領之而志又通謂之史兩漢以降文士多而史才少志乘之修雜雜然難之此江淹鄭樵之所以嘆也汾陽自勝國萬歷己酉迄茲乙未幾五十年竟無志五十年間豈緊無人或者茫無所稽而不能作不則偶有所忌而不敢作不則有所稽無所忌或固陋毫荒推諉而不肯作坐令改革之大事變之重溷滅無傳必有執其咎者矣適楚劉資生先生爲

郡佐家富藏書公庭闋若殆隱於吏者賢令吳公心儀之拉諸紳士白郡伯王公敦請任厥事先生唯唯受簡經三時志成致余校閱志大綱有四倣夏之禹貢周之職方山川風物於是乎悉曰志土地倣周禮之鄉遂里鄴史記之平準桓寬之鹽鐵論征賦徭役於是乎著曰志人民倣周之官制左傳國語之魏明法麗典垂文經武緯於是乎詳曰志政事倣司馬子長之列傳諸史之經籍闡幽表異振藻揚葩於是乎兼曰志文獻而且紀以承綱紀十有一目以承紀目七十有六災詳仙釋雜著紀異附焉編摩井然叙次秩然考訛誤則正三豕之文晰理辭則折白馬之辨品物之核以周也陽秋之精而裁也片語隻字無非威鳳一毛祥麟片甲洵良史才乎余因而嘆才人之難值而文詞之不可已也世但知人乞靈於地安知地乞靈於人又安知地與人乞靈於文維嶽降神生甫及申是謂地之靈人以地傳于木隱而西河美黃石生而穀城芳是謂人之靈地以人傳左思之賦三都張衡之賦兩京當時之黃圖景物珍奇詭異千萬世下宛然在目向使二賦不作大半銷沉矣是謂文之靈地與人以文傳幸也吾汾地與人之以先生之文傳也雖然先生道味飴甘宦情蠟嚼恬而鎮物之

躁靜而化時之爭約而挽俗之侈其取重於世更有在於文之先者余所爲心折欣慕而願爲執鞭焉又不啻以其文矣

邑人鄭公之瑛

邑之有志取其記事云爾非僅以文也管政教之源流定風俗之正變鑒乎古可以知今揆乎今可以式後是必有宏雅篤論之儒抱靜理而具通識者表章靡遺斟酌盡善勒成一代完書則文也而道存乎其間矣汾陽志始於嘉靖之甲寅訖於萬歷之己酉四經繕著自後泯乎闕焉夫此汾一方天地之美善未嘗暫息也父老之見聞傳聞猶可耳自接也曠曠五十年間而一邑之政教風俗畧焉不講賢人君子之因以湮沒無傳此歲者所蓋而學士大夫之責也茲別駕劉公資生澹然寡

沈陽縣志
卷之九
九
愆倬爾有章所謂抱靜理而具通識者歟允諸君子請
慨然以修纂爲任遐稽博採剪煩撮要自己西迄今莫
不備極蒐羅宏茲論列卽從前未逮者亦皆正其參差
而補其闕失焉綱紀具而條目張可以鑒古可以知今
可以式後書成示予叅校予思作志之難撫往難於覆
實採今難於正疑而詳畧去取之間繁則蕪儉則陋難
於體裁之名當今先生斯志宏以博也約以精也美不
虛而微能闡也不特無其三難而兼有其四善矣是僅
可以一邑之志自乎哉宋人有言治教號令聖人之所
謂文也書之策引而被之天下之民一也先生學術醇
深規時度務灼然有見於中而筆之於書一邑可以知
天下焉可以信後世焉此其爲文深於道者也而斯志
亦藉不朽矣

汾州府通判劉公

文德

諸史家所論天下郡國揆藻增新秉式罔軼如土地如
人民如政事如文獻皆詳而有體要而彌括者豈必步
勤章亥訪勞輶人哉良緣郡邑各有成書磨集而蹠食
之易易耳故其志備則供快全搜其志不備則貽憾中
斷此又繫之學古入官不欲苟爲俗吏而亟慕乎文吏
者所有事矣雖然厥猶翼翼者因乎心敷衍優優者因
乎時讀典墳邱索之書者因乎所需纂著之才三者旣
具然後足以創始而垂成得乎心矣而非其時得其時
矣而非其所需其始其成固難言之汾陽令吳君含章

有譽理人行政有暇輒念汾舊有志今時歷四紀事更
代易聲跡有傳光影虞逝若復闕焉不講懼又如前者
云云也爰咨縉紳先生請之郡刺史咸委余以修葺吳
君可謂心與時競更而文矣余樗散非材吏隱半刺顧
以署寂事簡之躬應駢今儻古之命宜蠹魚三食足規
星化丹矣第恐元精不貫全豹鮮窺於以發揮曩蘊抽
揚來軌取舍失裁蕪陋交譏明來人非幽生鬼謫將操
刀學割慮手刃之兩傷也乃冰霜其懷寒暑其事擴上
下數十年心眼爲出入數十載討尋其緼帙牙籤丐之
太史朱滄翁家藏及邑先大夫王龍岡龍洲孔文谷邑
前令尹氏覺民諸志以別其爲西河爲汾州爲汾陽自
春秋迄明故實用備自明萬歷至 國朝順治乙未四
十五年以啟後志之詳所見所聞所傳聞均不敢遺分
卷四凡爲土地爲人民爲政事爲文獻卽列四綱紀十
有一目七十有六例增於舊文簡於前要不過以書傳
汾以汾書傳汾人翻得藉手文小子弁鄙耳若因其弁
鄙加之潤色則尙有待

重修汾陽縣舊志序畧

汾陽縣周公 超

志以佐史也史必擅三長而後成則修志者亦非此不能勝其任余自己亥夏承乏茲土爰閱邑乘知創自主刺史而修於孔方伯繼經王侍郎之纂輯劉別駕之叅稽宜乎備矣然不無遺議况此志不修者已六十餘年將恐芳軌異績湮沒無傳良爲可惜辛丑秋始得從事簡編又苦聞見不廣幸有趙滋大日昌博洽留心早成手錄則草創是資適家孟友琦于韓在署任其討論又特延華亭邢寶一秉誠爲之修飾焉余雖不敢當潤色

重修汾陽縣舊志序畧

汾陽縣周公超

志以佐史也史必擅三長而後成則修志者亦非此不能勝其任余自己亥夏承乏茲土爰閱邑乘知創自主刺史而修於孔方伯繼經王侍郎之纂輯劉別駕之叅稽宜乎備矣然不無遺議况此志不修者已六十餘年將恐芳軌異績湮沒無傳良爲可惜辛丑秋始得從事簡編又苦聞見不廣幸有趙滋大日昌博洽留心早成手錄則草創是資適家孟友琦于韓在署任其討論又特延華亭邢賈一秉誠爲之修飾焉余雖不敢當潤色

之功然亦時勤較閱必期考核精詳方得付梓是編也
四君子遙纂於前三君子續叅於後余又不揣弁鄙競
就詳慎焚膏繼晷以祈速竣雖未必如史才之兼備而
集衆人之長不大遠於逞一己之智者哉是爲序

邑人趙公

明嘉靖甲寅前吾汾尙無志也邑人王龍岡草創之其
後孔文谷王龍洲相繼纂述然皆州志耳改府後設附
郭邑名曰汾陽邑侯尹覺民重修之我朝順治十二
年劉別駕增補之亦幾備矣但剗剔不工魯魚亥豕之
訛所不免焉且迄今六十餘年山川形勝或無大異而
戶口丁徭地畝錢糧官師科甲名媛懿德皆當補載誠
齋沈公祖來守是邦嘗閱府志係萬歷己酉年作今近
百年遺漏不少因飭汾令而屬予纂修焉時余承命愧
未逮未幾沈公致政事遂寢茲上虞周父母以名進士

來宰是邑卽慨然有志邑乘之修而仍以屬余余雖不
敢推諉但邑中過余者指不勝屈而乃惟弁鄙無文之
昌是問乎而周父母則以爲余生於斯長於斯聚於斯
者旣久則耳而目於斯者必悉斟酌剪裁舊志之成憲
宜遵故老之傳聞可考縉紳之徽猷當訪卽閭巷歌謠
亦可芟其穢蕪飾以雅馴以光大典又何人言之足慮
余謝不獲乃博採而備錄之鍵戶數月始克告竣周父
母覽之色喜以爲旣得大槩是卽成志之基也由是刪
繁就簡補偏救弊潤色而成一邑之完書矣因慨然捐
俸授梓人鐫刻余豈敢矜訂正之工哉是皆周父母得
人詳慎考訂之所由致也云爾

韓公謨

己亥夏上虞周父母以名進士來宰吾汾下車之始卽有剔弊振衰之志善良者卵翼之豪強者芟鋤之公務之餘流覽邑乘慨然曰志修於我朝定鼎之初去今六十年餘賦役豈無增損乎生齒豈無盛衰乎忠孝節義豈無可法可傳者乎科第中豈無雋品山林中豈無高士乎山川如故景物不殊而人往風微採擇何自爰集予等而謂之曰彰明往蹟以勵來茲守土者之任也各出所長以校訂可否亦此邦士大夫之責也諸君與予共成厥事可乎維時孝廉滋大趙公高尚不仕惟日

杜門著書先時 太守沈公祖曾以邑志相屬而事不
果今遺稿猶在周父母取而覽之喜曰草創有人而循
名核實吾其與衆共之爰敦請華亭名宿寶一邢公並
難兄友琦公相爲校正簿書之餘親爲參閱詳妥遂付
剞劂予承乏粵東自愧不能贊一詞乃遙聞是舉而樂
爲叙之

華亭邢公乘誠

蓋聞九州徧歷方垂山海之經三傳均存始剖春秋之
旨別貞搖於十五國風采輯軒羅見聞於千百年史成
蠶室輿地志載自希馮風俗通編於應邵才宏宗懌記
厥歲時博極揚泉論茲物理此皆該於六合亦復統以
萬年若乃武陵圖志伍安貧纂輯無幾笠澤叢書陸魯
望遺留有限列女僅稽於劉向高士更傳於嵇康慧皎
空門止徵僧衆葛翁丹訣不越仙家專一則偏而不全
博綜則雜而不貫如欲昭一方之廣紀纂一代之完書
恐韓愈起衰尙遲獨管張華博物未便成編者矣乃有

禹穴名家娥江才子題榮雁塔聲聽上苑之綿蠻治出
彪山說著濂溪之苜菖徒淇鑿石煩劇偏優卹患救災
賢勞更懋簿書晝暇檢晉乘而多訛藜火宵燃核唐風
而未備雖孔王相繼劉別駕之稽考難遺而今昔各殊
趙孝廉之蒐羅足闡然猶謀諸棣鄂更復詢及芻蕘愧
誠學慚全豹識昧殘塵沐先澤於青箱字徒飽蠹啟後
賢於絳幄門未爲龍乃誤聽說項之偏遂來束帛未敢
違依劉之願轉渡河汾因感笙簧頓忘檮櫟目迷縹緲
諸君已盡三長力竭鴛駘千慮或餘一得由是審星辰
於參觜不欲歧趨辨疆域於沁遼徒嗟陪累城成魏武
非關橫槊之雄爵錫汾陽豈屬繫舟之嶺滅增者賦役
勢必去古而存今繁縟者藝文意在芟蕪而就實分鄉
賢於流寓不必割田段之榮補人品以技能非徒列馬
張之巧他如得花果而失草不備四時登禽獸而無魚
難全五雅泉雖因賀魯敢忘原過之初宮既建昌寧必
遡臺駘之始文延清武漢臣瑕瑜不掩前軍州後郡邑
次第最明問水利則國中與郊外宜考鹽政則商販
視民煎反弊忠孝節廉之外何妨于寶之搜神貞祥災
異之餘不礙齊諧之誌怪總之發凡起例是非不謬於
聖賢探蹟索幽去取無乖於經史用是古今善言宵遺

於范泰河山汗漫羌勝於孟會敢詡持平第鮮濫觴之
弊維矜博洽聊免荒陋之譏邑推郡郡推省足備采擇
於寰輿古至今今至後亦易因仍而載筆緣知公瑾非
徒顧曲之工言念廬陵定具調羹之手誠獲陪參訂幸
附驥而留名恐負委承致續貂之遺笑然而采擷多方
或昆蟲之不漏校讐頗細詎亥豕之尙訛示勸懲者靡
限垂久遠也何窮是豈獨一方之紀一代之書而已哉

邑人呂公文樓

仿周制小史掌邦國之志外史掌四方之志則邑之有
志與國史等江文通常言之修史之難無出於志而陳
壽作三國志常璩作華陽志又以史而冒志名志顧不
重哉余汾邑之有志也自前使君尹侯始我

世祖章皇帝御極之十有二年別駕劉君復增補之於
今又六十八年矣海內太平無事民生其間目不睹介
冑之色耳不聞刁斗之聲以故秀者得以明經致用馳
驅王國愚者亦得孝弟力田牽車服賈故雖山川陵谷
無改於昔而白彪金鎖西河禹門無曠土無游民貨

賄充盈生齒繁盛忠孝節義風傳萬戶之山人物衣冠
跡追三絕之宋孰非我

國家太和翔洽休養生息涵濡薰陶以至斯也然則宣
上功德以登之簡冊垂諸無窮固我

使君周侯之意乎雖然修志難矣才媿三長則無江花
韓椽之筆胸虛四部又鮮潘江機海之資蜀瓠而操觚
則共相鄙棄其不足當大雅之一盼固也即使筆擁江
山文驕風雨而品行心術稍有未醕則阿好而徇流俗
毀譽競於多岐名實淆於罔據詎能信今傳後列爲不
刊之盛典也哉滋翁趙先生乙卯孝廉也以伏鸞隱鶴
之資博極羣書有漢臣三篋梁相五車之風兼以志芳
行潔一時仰望其丰裁而不敢相干以私使君熟悉
其才與品遂以纂修事委之可謂知人善任者矣而先
生果慎重其事不憚哀輯之煩或釐其舊而正羣書失
實之誤或增其新而采從前未徧之遺自星躔輿地城
郭署舍風俗政事官師人物以及僑寓仙釋草木鳥獸
罔不字櫛而句比之而使君復爲之旁搜博采手自論
定但見綜核詳明論次確切有南董之謹嚴無魏劉之
紕繆他日藉軒問俗登之蘭臺石室必有采而輯之者
則一邑之記載不幾同於千秋之信史也哉余故喜而

汾陽縣志
樂爲之序

乾隆三十七年重修汾陽縣志序略

汾州府知府俞公

調元

邑乘之修將以信今而傳後其所關於官斯居斯者綦重操三寸不律登削惟慎詎可苟焉而已歲辛卯余備員西曹得交光祿汾陽曹慕堂先生冬守汾

命下因就訪風土人情一切公私利弊知政所尤急與治所宜先既光祿來送別謂曰聞郡邑方修志志成幸以一編寄示焉余曰諾比至則郡志已梓成而邑志亦脫稿李君文起以粵東名進士來尹斯

土游刃恢恢餘閒染翰又得新安戴孝廉東原佐
其考覈閱數月稿成李君命繕書錄成帙質於余
取視之爲卷十二分目二十有八義例嚴整考据
詳明誠不愧名流手筆夫修志之難不難於考文
徵獻而難于協輿情故志志實也志地志其勝也
志人志其美也志事志其要也他若無關輕重者
可仍則仍之不煩齟齬焉志如是是亦善矣余因
於簿書餘暇就其本重加釐訂稍稍潤色之既成
遂郵札報光祿而弁數語于簡端其他既詳志中
茲不贅論若夫蒞此土治此民鑒往績而樹新猷
以仰副

聖天子慎簡守令之至意余且與李君共勉之區區修
志又多乎哉

汾州府同知胡公邦威

易曰天地感而萬物化生聖人感人心而天下和平是知爲治莫先教化而教化之要在有以感激而歆動之雷發東隅衆蟄潛駭風行地上草木各舒於以見感動之神且速也邑之有志非徒法周之職方氏漢之地理記以備掌故以資考據而已蓋欲使見之者觀感興起共勵媵修而隱寓教化之意於其間耳故詳賦役而胥吏不敢施其蔽矣詳風俗而編氓悉以恆其本矣詳人物而君子思以善其則矣詳宦蹟而居官將以慎其政矣與夫

忠孝節烈隱逸高賢莫非發潛德之幽光起斯人之頑懦志之所係綦重哉汾陽控帶山河形勝偉麗我

國家樸棧作人以來科第蟬聯人文輩出蓋扶輿滄淑之所鍾毓而尤賴教化以扶翼之也邑固舊有志願自前周公創修距今已五十餘年簡罄帙荒書缺有間矣天道三十年一變六十年而大周人事遷流理化更易闕時滋久文物踵增倘紀述無聞曠墜弗舉何以表既往而垂將來嶺南 李公

志存經濟歲庚寅來宰是邑以化民成俗爲己任比及三年政通人和百廢具興因念志乘之設風化攸關不可令典章湮沒文獻罔昭爰於公餘之暇旁搜博訪取歷來之懿蹟芳踪條分而類次之凡四閱月而告竣其敘事簡而明其援據典而雅整而有體詳而不遺相如所謂列錦繡而爲質合纂組以成文洵記載之良歟將使披斯志者景彼前修蹶然思奮聞茲楷範默爾潛移如雷之動如風之行莫不蒸蒸相感而化於善則是書也卽以爲醒世之晨鐘牖民之箴規也可予故歎 李公之用意深遠竊心佩之而樂觀德化之成也是爲

汾陽縣知縣李公

文起

承乏汾陽三載矣簿書碌碌翰墨緣疏覺一行作
吏面目盡風塵令人氣索憶先君子昔宰城武
公餘輒手一卷樂不爲疲語起曰仕學相資卜氏
教也能以經術飾吏治則刀筆筐篋之譏免起敬
佩斯言志焉未逮顧念蒞斯土則邑志實爲前鑑
時復披閱之由是利弊之故因革之宜稍稍措施
識端緒而勝蹟芳徽風流未艾亦藉用留連嚮往
獲益良多惜此志自康熙辛丑前令周公錦川增
修後五十餘年無踵事者微獨時移勢易規制莫

詳懿行嘉言舉將歸泯泯是不得不任其責也會
新安戴東原孝廉佐 孫郡尊輯府志成因延之
共事甫脫稿亟以公車去而海甯 俞公來代郡
取稿潤色之戴固名士 俞公又良史才是書殆
無遺憾竊計志之大平惟三土地人民政事而已
條目雖繁各從厥類考文徵獻紀其實而加詳凡
以昭示來茲俾知所法戒問道已經將於是乎在
地有卜山或謂此即古西河子夏設教處迴思
先君子言根觸于中慚且悵者久之既付梓爰述
鄙懷弁諸卷首

邑人曹公

學閔

往者 學閔 承乏諫垣恭逢我

皇上神武奮揚削平西域天山兩道悉隸版章仰見耆
定

大勲度越三古幅員之廓爲居方提地以來所未嘗有
用請

勅下儒臣纂錄輿圖以昭

一統之盛荷蒙

俞允遂徵天下府州縣志悉上史館以備采擇嗣又允
大臣之請凡新志悉送學臣覆勘事無訛異乃得

刊行著爲令於是天下曉然知

聖天子稽古右文考詢掌故凡守臣之賢而文者率先蒐輯地記以待大史之采求汾州郡守諸城孫公延文士新輯府志既彬彬稱大備矣嗣粵東李公以名進士來宰汾陽邑之大政以次修舉化洽人和案牘多暇乃集邑之紳士謀鼎新

先聖之廟以興文教復以邦之文獻府志舉其要縣志紀其詳各有體裁不可偏廢爰徵古義訪軼事增損舊志不濫不遺且黃矻矻不數月而書成以學

閱縣人也郵以相示且問序夫學閱何足序公書

哉顧念府志之初成也司事者旁摭諸書遂稱汾州非古西河地子夏之迹不至斯汾人嘆之亦引舊籍以相難鴻自一而人楚越囂囂然今未已也學閱以爲讀古人書當博通其宏旨信者傳信疑者傳疑不必堅執一見以求勝公羊子去古未遠而高俟所城魯人已有兩說傳文亦無所軒輊班固西域列傳敘地理如指諸掌而我

朝戡定以來驗其說多虛妄

御製詩文昭昭在人耳目也夫一壠之田甲與乙訟或數世而不得明兩邑之界官吏抱案牘操繩尺驗

汾陽縣志
三
山河徵碑碣引里人父老雜然證之或數年不得
決况生百世以下陵谷變遷典籍散佚而欲以耳
爲目斷百世以上之是非烏見其不爽乎傳曰所
見異詞所聞異詞所傳聞異詞子曰吾猶及史之
闕文蓋聖人之教可知也公修是志於西河之辨
雖采新說而亦不廢舊文虛公之心詳慎之志並
見於是矣其采詢之無所疏漏是非之無所顛倒
舉可類知公誠良史才也豈但一邑之志哉抑文
章之道與政事通公能詳慎虛公而無所疏漏顛
倒則以制萬事皆得其理雖佐

聖天子調燮天下可也又豈但一邑之宰已哉

學閔所

以樂爲公序也

道光三十年重修汾陽縣志敘略

汾州府知府牛公鎮

汾陽爲古茲國秦莊襄時始建茲氏縣晉以後爲
隰城唐以後爲西河汾陽之稱實昉自明萬厯中
而縣志之緣起亦自萬厯三十八年始至

國朝經再修而休甯戴東原先生踵其事重整義例結
撰謹嚴一掃前志之蕪陋然乾隆辛卯迄今又幾
八十載矣曠墜弗舉文獻奚徵洵茲斯土者所當
憊憊也余自道光丁酉欽承

簡命來守汾郡昕夕奉職惟謹汾陽爲附郭首邑尤垂

意焉居久之汾之人亦信余之拙相安無事郡齋
清暇慨然有重葺郡乘之舉端緒未就匆匆以母
憂去其事遂中輟歲庚戌粵西周君以名進士宰
汾邑紳士進而言曰郡乘雖弗克從事邑人急公
好義之雅未可卻盍移其費以修邑志備他日郡
乘之取資乎周君允其議欣然載筆復得沁水霍
桐柯郡學博左右之稿成索序於余夫方志體具
史裁非僅創始惟難也規矩在前而倂錯之其弊
爲妄譌誤相仍而黨護之其弊爲固不足以信今
傳後嗣一也昔宋施武子著會稽志寶慶中張吳
續之復於前書補其遺佚廣其疏略正其謬誤簡
覈不苟識者推爲方志中有體要之作東原氏所
撰述高簡有法而徵引史傳往往刪削過當首尾
不具邑中應入志金石文字亦多失載今周君取
其書嚴加校訂遺者補誤者正乾隆壬辰以後事
蹟另爲續編義例卷數一遵前志之舊實事求是
妄與固兩祛其弊不獨有功於東原氏即媲美於
張吳會稽續志也可周君負幹濟才以署文水令
調繁汾邑循聲卓然方爲大府所器重政事之暇
其博稽載籍率同官從事於郡乘俾一郡八屬五

汾陽縣志
千四百里之文獻燦然具陳微特汾陽一邑舉其
廢墜尤余之厚望也夫

汾州府知府田公

潤

修志與修史同有體例有考据有敘述有斷制體
例取其謹嚴考据取其精賅敘述取其修潔斷制
取其確當具此四美然後可以操觚是非有史學
史才史識誰敢任之而况於珠玉在前復欲手訂
一編綴集舊聞網羅散失發揮己見而不囿於前
人窠臼之中斟酌立言而不軼乎前人繩墨之外
豈不戛戛乎難之哉更非有史學史才史識不敢
任也汾陽志自乾隆年間東原戴氏重輯後又閱
多年戴負重名具良史筆力生平著述汗牛充棟



相傳汾邑志四閱月脫稿蓋急就章也原志分門
二十有二爲卷一十有五其書體例考据敘述斷
制一一原本史法無可訾議特其卷帙富竣事速
蒐羅之未廣討論之未精不必爲作者諱且自書
成後迄今垂八十載可傳之人可采之事足以光
邑乘而備掌故者層出不窮又勢不可以不增缺
略者補之謬誤者正之未載者續之此皆有待於
後之作者矣於是邑人卞翼雲司訓等建議設局
慨然以續志爲己任而曹君書農好古博聞長於
著作所謂有史學史才史識者也僉以斯事屬之
而推霍桐柯郡博總其大成曹君殫思竭慮旁搜
遠紹孳孳編輯每門綴之以補遺正誤繼之續編
義例卷數一仍前志之舊至前志則悉遵原本未
嘗擅改一字蓋雅不欲以一知半解自炫其長致
來前賢畏後生之誚也洵可爲東原之功臣而能
卓然自成一家言者矣屬稿成出以示余並請爲
序余嘉其志之勤而筆墨之有史法也爰綴數言
以弁其首

汾陽縣知縣周公 貽纓

周官小史掌邦國之志以貳太史佐太宰志者山川風土物產之書也後世之志仿之汾邑明故爲州其志創於嘉靖甲寅全萬曆丁未陞州爲府邑始附郭越二年己酉因州志而增續之始爲汾陽縣志歷我

朝以來踵修者再乾隆辛卯前令李公 文起 開局重

修廣搜博采復延新安戴東原先生佐之記載迺稱大備以是知史才綦難而成之更非偶然也余甫下車卽索李志讀之體例精嚴得遷史之遺旨

惟距今又八十年其間民俗之純駁仕宦之賢否
度支之增減學校之盛衰與夫人物名勝災祥藝
文所見異詞所聞異詞所傳聞異詞亟思蒐輯以
補前人所未逮而汾故望緊之區鞅掌風塵不獲
與邑人士昕夕討論心常憾焉夫考獻徵文儒者
之事也而采風問俗又有司之責也昔段成式仕
江西有廬陵官下記范成大官桂林有桂海虞衡
志彼其書皆無關政事之要而後之誌方輿者每
藉以資考鏡况邑乘一書尤爲官斯土者所矜式
哉爰與邑紳卜星齋司訓及同志諸君悉心商榷
復延沁水霍桐柯學博總其事不數月而志成是
志也缺者補訛者正未載者續爲卷十有五義例
一仍其舊詩有之率由舊章余才不及前人其所
以昭示來茲者惟兢兢奉此以爲圭臬設數十年
後更有繼余而起者庶幾鑑余之心諒余之志而
李志一編得以相與有成則幸甚余故曰成之非
偶然也是爲序

汾州府教授霍公

慶姚

國之有史郡縣之有志皆以徵信也夏殷之禮文獻無徵孔子嘗歎之太史公作史記父子討論蓋數十年又嘗周覽天下訪求遺聞竭一生心力博綜以成一書劉向楊雄皆稱其有良史才而前史猶譏其失謂多疏略牴牾蓋徵信良難矣修志固未可與史並論然卽一邑百里之中分野疆域沿革災祥忠孝節義人物藝文歷年既久傳聞異詞非探討於平日而徵信於文獻未可率爾操觚也汾陽舊志修於乾隆三十七年出新安戴東原先

生之手於前志之訛者辨之蕪者芟之體裁嚴整敘事簡潔後人莫敢議焉然四月成書匆匆付梓其中之沿訛而疏略者時亦有之不必爲賢者諱也邑中曹君藝五爲慕堂宗丞曾孫家學淵源性復嗜古尤精考據之學中年棄舉子業力爲詩古文詞因取郡志邑志正訛補遺務求精核縷析條分各爲一冊蓋非一朝夕之故矣道光庚戌邑中諸紳士請於

郡伯田漱芳先生 邑宰周怡園先生議修縣志郡伯謂舊志本出名手宜爲續志毋改舊志宜嚴勿濫宣傳信毋尙文蓋皆示以徵信之意藝五因出所輯正訛補遺若干條及預擬各傳極蒙歎賞爰共推秉筆取八十餘年之事以續其後每成一卷必質於

怡園明府復呈

郡伯裁定余亦時從參校之末八越月而書成余聞舊志之修慕堂宗丞雖遠宦京邸而郵筒商確與有力焉是役也藝五既克繼先人之志亦使一邑之潛德芳徽不致久而淹沒故跋於後使共知續志之由亦以彰藝五之勞也聞諸紳士且擬請

修郡志他日正訛補遺尙當問之藝五以爲徵信
之一助焉

續修汾陽縣志銜名

總纂

署 汾 陽 縣 知 縣 方家駒

汾 陽 縣 知 縣 慶文

署 汾 陽 縣 知 縣 成熙

署 汾 陽 縣 知 縣 徐焯

汾 陽 縣 知 縣 李其滋

參閱

汾 州 府 學 教 授 李鳴鳳

汾 州 府 學 訓 導 劉象豫

汾陽縣學教諭 裴國苞

汾陽縣學訓導 梁舒翹

督理

署汾陽縣典史 任廷颺

監刊

冀村巡檢司巡檢 茹銘

分纂

己酉科拔貢生 任壽見

丁卯科舉人 李士奇

附 貢生 劉湘湖

壬戌科副貢生 武允文

采訪

歲貢生 段誠正

歲貢生 朱景注

歲貢生 任象升

歲貢生 呂述先

歲貢生試用訓導 張還元

增 生 任福見

增 生 李廷柱

附貢生 應署大同永濟平陸訓導 趙連元

歲貢生即補訓導 趙尊抃

辛亥科副貢生 李維濬

歲貢生試用訓導 趙景渭

歲貢生 任晉悅

歲貢生 武鴻

廩生 王洙

增生 鄭培棠

廩生 馬鳴朝

丙子科舉人 郝守和

乙亥科舉人 余梓

廩貢生候選訓導 高麗中

附生 王灼三

附貢生 王體仁

校對校刊

歲貢生試用訓導 趙景渭

辛酉科舉人五臺縣學教諭 崔鍾淦

廩貢生候選訓導 高麗中

勸捐司簿

附貢生 張孝先

監生 郭士釗

國子監典簿 靳天培

吏員 趙雲臺

膳錄

廩生 李芳春

附生 劉鳳鳴

附生 曹書年

廩生 張金鈞

監生 陳殿相

永甯州附生 劉正品

汾陽縣志目錄

例言

圖

表 以上首卷

沿革

疆域 村市戶口風俗附

山川 渠堰津梁附

城池 關隘營汛堡寨附

官署 倉庫驛鋪道路附

賦稅 以上卷之二

學校

坊表附
以上卷之三

名宦

卷之四

職官

食封

流寓

以上卷之五

人物

孝義

以上卷之六

科目

封蔭附
卷之七

文苑

任實

列女

以上卷之八

古蹟

塚墓附

壇廟

寺觀仙釋附
以上卷之九

事考

雜識

物產附
以上卷之十

藝文

卷之十一至十四

重修汾陽縣志凡例

一汾陽設縣昉於明萬曆二十三年而縣之有志實自萬曆二十七年己亥知縣尹覺民始越四十八年爲

國朝順治十三年丙申再修於知縣吳世英越

六十六年爲康熙六十年辛丑三修於知縣周超越

五十年爲乾隆三十七年壬辰四修於知縣李文起

尹志久佚吳周兩志大抵因陋承譌於古今沿革未

能詳覈往往附會失實而史籍有確據者反見遺乾

隆己丑休甯戴東原先生輯郡志成越二年壬辰李

邑侯延之修縣志重整義例結撰謹嚴一掃前志之

沈陽縣志
荒蕪第壬辰至今又垂八十載矣前此縣志屢修未
有若今之年代寥濶者載筆者所當亟亟也

一李志圖表外首沿革終藝文分門二十二附以子目
十有七綱舉目張甯闕無濫復於從前相沿之謬誤
一一辨正較之前志相去何啻天淵誠方志中善本
也規矩在前無容倘錯茲謹奉之爲圭臬李志所定
例言十三則仍刊諸卷首以示法守前列原書十五
卷而乾隆壬辰以後事蹟區分派別附於後至無可
增之門類姑闕之昔宋汪泰亨續范石湖吳郡志不
別畧爲續本遂與范書相淆亂明董穀續常業激水
志擅改前人體例均爲有識者所姍笑可不鑒諸

一乾隆中郡邑志皆出自東原先生手修潔爲邇來志
乘家之冠第郡志期年而成從容討論允稱精當邑
志成書僅四閱月先生甫脫稿匆匆以公車去志局
急於竣事所錄史傳往往刪削過當首尾不具邑中
金石文字未及搜采甚至郡志人物義行諸門所載
亦復遺漏校刊者不能辭其咎矣謹就管見所及遺
者補誤者正分門別類繫於李志原書之末新撰續
編之前實事求是非敢抨繫前人宋張吳續施武子
會稽志既作續編又於前志內拾遺佚訂訛誤世推



爲施氏功臣此物此志爾

一方志立傳之例大都錄已往者人心不古懼涉阿徇
或尙標榜也然亦有理合變通未可盡以成例拘者
如名宦列女二者不必泥蓋棺論定之說蓋人物文
苑仕實諸門原始要終毫髮不容假借若長吏官於
斯土取其有以作此一方興利除弊遺愛在民即可
尸而祝之彼未仕之前鄉評未允既去之後晚節不
終不暇苛求也節孝則無論存亡及曾否請

旌


亟宜甄錄爲風教之一助藝文一門撰人亦不計存
歿著述有關於本邑掌故則錄之因文紀事非以人

重文也




汾陽縣志

汾陽縣山川圖 每方十五里




应为又一頁


縣城圖



縣治圖



學宮圖



訓導正堂

崇聖祠

教諭宅

明倫堂


射圃亭

大成殿


卜山書院



汾水行宮



煙籠賢閣




鶴鳴古洞



馬跑神泉



雨漬仙碑



文湖漁唱



虎嶺樵歌

虎嶺樵歌



秦以來沿革表

秦漢魏晉

北魏齊周

隋

唐五代

宋

金

元

明

汾陽縣

秦漢魏晉
魏初
西河

太原郡
西河國
太延中
介州
大陽
州
武州
汾州
天
汾州
元

魏初
西河
太延中
介州
大陽
州

魏初
西河
太延中
介州
大陽
州

魏初
西河
太延中
介州
大陽
州

魏初
西河
太延中
介州
大陽
州

魏初
西河
太延中
介州
大陽
州

魏初
西河
太延中
介州
大陽
州

汾陽縣
置府
日復

於元魏年元
北年皇為二
魏入始北十
移治西州
永安西州

漢復化初周地迭漢後
入軍置驢有東唐
東旋南德是漢晉

州縣汾北關西為北界寄中魏郡僑中河移治西州
屬州周城河汾齊復
介郡廣郡州復

汾陽縣志首卷

例言

縣之名汾陽起自明萬歷中陞汾州爲府而州所治之境改置倚郭縣前此州省倚郭縣也起於洪武中其前爲西河縣起於唐上元初又其前爲隰城縣起於晉又其前爲太原郡之茲氏縣則沿於秦若夫作志所起創於明嘉靖三十三年甲寅知州陳秉忠州人王緯是爲汾州志越六年己未冀南道彭範州人孔天爵增成之越二十五年爲萬歷十一年癸未知州白夏州人王緝又踵其事越二十七年己酉知縣尹覺民因州志增續

是爲汾陽縣志而汾州府志亦以是年纂輯越四十八年爲國朝順治十三年丙申知縣吳世英汾州府通判劉文德踵修縣志越六十六年爲康熙六十年辛丑知縣周超又踵其事今所存者惟萬歷中府志暨劉志周志然大抵前後相襲於古今沿革未經詳辨有地之相去絕遠多所附會其載在史籍確有證實者又漏失不列因陋承譌宜從訂正加以辛丑迄今五十餘年之政事人民記錄有待爰整義例勒成一書蓋不敢怠忽視之云爾

西河汾州汾陽三名舊志未經細考西河本隨地著稱而縣之稱西河因北魏置西河郡治茲氏城以後郡名仍之遂以名縣說俱詳後若夫以汾陽名軍始於宋末以汾陽名縣始於明萬歷中外此所謂汾陽散見史籍者大率名同地異舊志以隋之汾陽宮唐之汾陽郡王皆爲縣境故實於沿革首云虞汾古西河汾繫之虞而西河稱古又必在虞前是縣境遠古之初以迄後代有西河汾州汾陽三名同地並稱也今悉訂正

志首沿革以星野附之何也沿革不明則志中述古未有能免於謬悠者故考沿革爲撰志首事今分列綱目以綱爲斷目爲按令閱者因綱檢目因目證綱其正史

及水經注元和志等書有涉譌舛逐條爲辨正之至星野之說起於周官保章氏以星土辨九州之地如左氏春秋國語所記列國分野甚詳鄭康成云星土星所主土也其書亡矣堪輿雖有郡國所入度非古數也自漢書以下史志往往及之大抵因春秋戰國時各國疆域輾轉附會皆康成氏所謂非古數者耳省志府志其地廣闊足配古州國宜博採古書之異同致辨若縣志則合數十縣同地共占無庸衍贅其說志家圖繪星象錄步天歌尤屬習仍之陋今於沿革後附見梗概正其附會之非者俾歸於是而已故不特列一目

疆域次沿革後以村市戶口風俗附之何也積古以來旣本本原確然無惑則考今之土地人民切要不可或緩矣詳其距省遠近南北東西廣袤而村市用知民居戶口用知民數風俗用知民情皆土地人民之首務二者不特列目蓋疆域足以統之所稱疆域實之者民也

山川次疆域後以渠堰附之何也疆域辨而後山川之在疆域中者可得而紀山自合而分其來也有脈絡條貫是謂地防川自分而合界乎兩山之間循其地防者也考工記有之曰凡溝逆地防謂之不行水屬不理孫

古字屬注通用謂之不行是故由山川大勢以知地勢而用孫遜通用因其利則農政攸關除其患則衝溢淹漬在所預籌故兼及澤泊渠堰民間引漑期日備詳各水之下至於設濟渡建橋梁亦附載焉凡所以切民用明政事也城池次山川後以關隘營汛附之何也山川者天地自然之形勢也城池關隘因其形勢而設之以衛民也營汛亦衛民所重故因而以類相屬堡寨因營汛及之凡不別立目用免煩碎咸倣此

官署次城池後以驛鋪附之何也城池者一境之所會歸而設官治民則官署乃其治所也出政令肅觀瞻於是乎在倉庫因官署連及之預備常平本以便民而收放之際稍不致察則胥役豪右借以滋弊不可忽視也驛鋪爲官事往來之所由通道路因驛鋪連及之賦稅次官署後何也政之大體民之利病所繫胥役豪右其滋弊不可窮詰也知民之所苦及旱潦之不常以達其情尤親民之吏宜務圖者矣鹽稅歸於地丁攤徵故卽列之賦稅後

學校次賦稅後何也富教之序也坊表以事類相從故附之自疆域至學校施政之大經備矣撰志所重故次之於前

名宦職官志其官斯土者也凡有惠政可稽列在名宦中各爲一傳而職官題名僅書姓名時代而已或當時膏澤實被於民久之而莫能舉以爲言則無從列入名宦徒因散見史籍姓氏時代猶存備錄而存之不使沒沒也縣志例載知縣以下而汾陽舊爲汾州自隋以前縣統於郡郡統於州隋唐州郡迭更宋則州帶郡稱所謂州郡皆監縣者也明之汾州裁倚郭縣州始與縣同爲親民吏故知州題名載自明初以前曰州刺史曰郡太守與萬歷中設府後曰知府並爲上官凡府志宜詳者非縣志所得賅至於名宦如州郡如府如汾陽軍節度使分守冀南道縣旣爲治所矣則澤流自邇始宜考其事列之况以忠烈見者爲國爲民大節卽著是地不可不錄也食封流寓亦稽古所不得而畧故次之職官後。

人物孝義科目文苑仕實列女六者表其人正以彰風教也人物必卓然可傳者孝義卽一節亦取善善從長凡舊志所有悉仍之或已入別目則不重列審非土著然後削去新有增補固核實無敢濫也科目文苑仕實俱志體所宜備列女非專屬節烈而賢婦僅偶及一二者庸德之行其事本無所表添加以闡門之內雖美弗

彰也封廕因科目連及之故附見其後。

古蹟壇廟事考雜識存以備稽而藝文終焉塚墓附古蹟後例得載之者也地志有寺觀仙釋物產之目今附寺觀於壇廟下而仙釋卽於寺觀中見之明非正也物產附雜識之首以他處常產之物是地土瘠氣寒皆無之其有者不足表異故不泛列雖唐志汾州土貢龍鬚蓆之類時汾州領縣四今自縣境而外亦無有其物聊摭之以見貨物之有無今昔不可常云爾凡志書錄藝文必有關於是地非選文比也文與詩於地無關則例不當錄其題咏之可錄如所謂八景者間亦摘取一二卽古蹟非實無嫌也他若碑記考序等雖人各一說並存之其得失自見也

山川圖爲地志大節目作圖無法則失其實檢圖考地適足滋惑今先布方格然後按其山之方嚮遠邇水之委曲流注不使圖與形勢或爽因附縣治學宮二圖次之以沿革表作表斷自秦以下郡縣之始也

汾陽縣志卷之一

沿革 星野附

縣境於禹貢屬冀州於周職方屬并州

今汾州府屬之平遙介休皆南界大山其山自樂平
迤邐而西周時冀州并州蓋以山爲大限

春秋之季爲晉地

國語宰孔言景霍以爲城蓋晉獻公滅霍後其地北
至霍山霍山以北卽狄人所居左氏春秋魯襄公十
六年當晉惠公敗于韓之明年狄侵晉取狐廚受鐸
涉汾及昆都杜注云平陽臨汾縣西北有狐谷亭孔

汾陽縣志 卷一
沖遠謂狐廚受鐸皆在汾北狄自北而侵南涉汾水
昆都在汾南今臨汾縣南有昆都聚狐廚受鐸皆在
今襄陵縣卽北與狄鄰及魯昭公元年晉荀吳帥師
敗狄於大鹵始擴地北至太原
顧炎武日知錄云霍山以北皆狄地自悼公後始開
縣邑前此不見於傳

七國時屬趙

趙魏之分今靈石縣以南爲魏地自介休縣以北爲
趙地時趙西境南境並與魏鄰考秦本紀惠文君六
年魏納陰晉陰晉今華陰縣也八年魏納河西地六

國表作與秦河西地少梁十年魏納上郡十五縣魏
世家作盡入上郡於秦前此秦魏之界張守節云魏

築長城界秦自華州鄭縣以北濱洛至慶州洛源縣

白於山卽東北至勝州朔陽縣東至河西是也

唐華州今

屬同州府慶州今爲慶陽府勝州卽今陝西華陰縣

河套東境今鄂爾多斯左翼是其地西二里蒲城縣東五十里鄜州西南四里綏德州西

十五里皆有魏長城遺蹟然則魏未失陰晉少梁以

前其疆土在河西者南至華陰西至洛水北至今榆

林府之北而趙西邊邑與魏鄰踰魏之上郡乃至秦

故趙成侯三年當秦獻公十三年魏武侯十五年趙

世家云魏敗趙蔺及秦孝公八年與魏戰取少陵越四年爲秦孝公十一年趙成侯二十四年趙世家始云秦攻我蔺由是而後趙之蔺離石中陽幾歲有秦兵相攻取不休趙恃以爲外蔽時失時復靡常蔺離石卽今永寧州而蔺兼臨縣地中陽卽今寧鄉縣臨永寧寧鄉值今交城文水汾陽孝義之西秦爲太原郡之茲氏縣

史記秦本紀莊襄王三年初置太原郡夏侯嬰列傳從擊項籍卒定楚益食茲氏是茲氏之名漢以前有之矣酈道元水經注云縣故秦置也

楚漢之間爲西魏地

史記項宇本紀徙魏王豹爲西魏王王河東都平陽高祖本紀三年漢王遣將軍韓信擊魏大破之虜豹遂定魏地置三郡曰河東太原上黨

漢亦隸太原郡屬并州刺史部

漢書地理志太原郡茲氏莽曰茲同後漢郡國志同

晉徙漢之隰成縣於茲氏境改成爲城省茲氏入焉隸并州西河國

漢西河郡有隰成縣莽曰慈平亭水經注離石水南流逕

離石縣故城西又南出西轉逕隰成縣故城南其水

西流注於河。今永寧州治。卽古離石。漢隰成故城在州西六十里。穆村遺址猶存。晉書地理志。西河國領離石。隰城中陽介休四縣。李吉甫元和郡縣圖志云。晉改茲氏爲隰城縣是也。顧祖禹讀史方輿紀要。隰城故城在汾州府西七十里。漢縣。又云。三國魏省隰城入茲氏。皆非也。後漢志已無隰成。當省入離石。去茲氏則遠。不得越離石而省入茲氏。所言在府西七十里者。今亦無其地。以當之。

水地記圖注云。水經原公水出茲氏縣西羊頭山。鄜道元注曰。魏黃初二年。西河恭王司馬子盛廟碑文云。西河舊處山林。漢末擾攘。百姓失所。魏興更開疆宇。分割太原四縣以爲邦邑。其郡帶山側塞矣。王以咸寧四年改命爵土。其年十二月喪。國臣太農閻崇離石令宗羣等二百三十四人刊石立碑。以述勲德。碑北廟基尙存也。今按晉書。西河繆王斌字子政。魏中郎。武帝受禪。封陳王。三年改封西河。咸寧四年薨。子隱立。謚字與水經注微異。武帝紀。泰始元年十二月丁卯。封皇叔父斌爲陳王。咸寧三年八月癸亥。徙陳王斌爲西河王。四年十二月乙未。西河王斌薨。而碑文稱咸寧四年改命爵土。豈其就徙封之國在四

年不復推本言之歟。水經注以碑繫之。魏黃初二年莫識其故。元和志云。魏黃初二年於漢茲氏置西河郡。然則黃初二年寔魏置西河郡之始。黃初二年下當有關文記置郡所起者。自黃初二年。至晉咸寧四年。凡五十八年。又二百七年。爲北魏太和八年。西河郡始治茲氏城。吉甫因水經注西河王廟碑在茲氏。又繫之魏黃初。遂以爲是時卽置郡茲氏。非也。司馬斌葬茲氏。故有廟碑在此。其國仍都離石。晉書地理志。西河郡領縣四。首離石。蓋魏晉相承。皆因漢永和五年以來郡治之舊。碑文言其郡帶山側塞。宜爲離石而非茲氏。甚明。況碑末稱離石令宗羣等。以該餘三縣。魏晉之西河郡。未嘗移治茲氏。非單文孤證矣。又考漢建安十八年。省西河郡入太原。魏黃初二年復置。故碑文云。分割太原四縣。卽離石茲氏中陽介休也。其中陽非復漢縣。元和郡縣圖志。於孝義縣下云。本漢茲氏縣地。魏移西河郡中陽縣。於今理。是也。終三國魏。未改茲氏爲隰城。魏武分匈奴之衆爲五部。以劉豹爲左部帥。居太原茲氏。水經作於魏之季。

或云桑欽作非猶稱茲氏。則改名隰城。寔始於晉耳。

永嘉以後。劉淵石勒苻健慕容儁苻堅慕容垂。迭有其

地

晉書惠帝紀永興元年匈奴左賢王劉元海反於離石永嘉元年并州諸郡爲劉元海所陷刺史劉琨獨保晉陽元海卽劉淵左部帥劉豹之子也載記大興二年石勒僞稱趙王尋討鮮卑鬱粥於離石悉降其衆城石勒之後苻氏慕容氏彼此相繼其迭有并州諸郡也苻健值晉永和中慕容儁值升平二年苻堅值晉太和五年慕容垂值晉太元中迨北魏皇始元年值晉太元二十年慕容垂卒九月魏軍略地晉川獲慕容買得等於平陶城由是并州入於北魏上距永嘉元年凡八十九年

北魏太延中改置什星軍太和八年復爲隰城縣又置西河郡治茲氏城屬吐京鎮十二年改鎮爲汾州

魏書地形志西河郡晉亂罷太和八年復治茲氏城隰城太延中改爲什星軍太和八年復

按魏之西河郡領隰城介休永安三縣而永安則太和十七年分隰城置吐京鎮延和三年置太和十二年改爲州治蒲子城領西河吐京五城定陽四郡蒲子城在今隰州

孝昌二年郡縣并僞置平陽界而汾州移治西河永安

中縣又僑置汲郡界

魏書地形志汾州治蒲子城孝昌中陷移治西河又
晉州西河郡下云舊汾州西河民孝昌二年爲賊所
破遂居平陽界領縣三永安熙城介休下並云孝昌
中置而義州五城郡領縣三熙城介休五城下並云
永安中置州治汲郡陳城在今河南衛輝府汲縣界
北齊天保七年併省魏末浮置之州郡縣鎮戍是時西
河郡縣宜復其舊而史文闕失北周省齊之汾州以郡
縣屬介州隋初隰城縣仍爲西河郡治蓋北周以來相
承如故也開皇三年郡廢大業三年復置西河郡仍治
五代時後唐晉漢東漢迭有其地周顯德初置寧化軍
旋復入東漢

五代史周本紀顯德元年四月乙卯汾州防禦使董
希顏叛於漢來附

宋汾州西河郡軍事屬河東路後改汾陽軍事金汾州
屬河東北路提刑司元汾州屬東山西道肅政廉訪
使所轄之冀寧路而西河縣不改明初省縣入
州仍領平遙介休孝義三縣

自唐上元初至明洪武初凡五百餘年間此地名西
河縣因北魏以後西河郡治得稱非有取義



原件短缺

缺七至九頁

汾陽縣志 卷一
中縣又僑置汲郡界

魏書地形志汾州治蒲子城孝昌中陷移治西河又
晉州西河郡下云舊汾州西河民孝昌二年爲賊所
破遂居平陽界領縣三永安隰城介休下並云孝昌
中置而義州五城郡領縣三隰城介休五城下並云
永安中置州治汲郡陳城在今河南衛輝府汲縣界
北齊天保七年併省魏末浮置之州郡縣鎮戍是時西
河郡縣宜復其舊而史文闕失北周省齊之汾州以郡
縣屬介州隋初隰城縣仍爲西河郡治蓋北周以來相
承如故也開皇三年郡廢大業三年復置西河郡仍治
五代時後唐晉漢東漢迭有其地周顯德初置寧化軍
旋復入東漢

五代史周本紀顯德元年四月乙卯汾州防禦使董
希顏叛於漢來附

宋汾州西河郡軍事屬河東路後改汾陽軍事金汾州
屬河東北路提刑司元汾州屬河東山西道肅政廉訪
使所轄之冀寧路而西河縣屬冀寧路不改明初省縣入
州仍領平遙介休孝義三縣

自唐上元初至明洪武初凡五百餘年間此地名西
河縣因北魏以後西河郡治得稱非有取義

宋史地理志河東路汾州西河郡軍事領縣五金史地理志河北路汾州領縣五元史地理志冀寧路汾州領縣四並治西河縣

金天會六年當宋建炎二年置汾陽軍節度使於此元初立汾州元帥府考汾陽軍之名宋宣和以前已有之元史謂汾陽軍起於金非也

萬歷二十三年五月改汾州爲府倚郭設汾陽縣又置冀寧道於此屬山西布政使司

明史地理志汾州洪武九年直隸布政司萬歷二十三年五月升爲府汾陽元曰西河洪武初省入州萬歷二十三年五月復置更名

考汾陽之爲縣名漢及隋唐皆非此地漢書地理志太原郡汾陽北山汾水所出水經汾水出太原汾陽

縣北管涔山山在今寧武縣西六十里值靜樂縣北百四十里清書煬帝紀大業四年以離石之汾源臨

泉鴈門之秀容爲樓煩郡起汾陽宮地理志樓煩郡靜樂有汾陽宮有管涔山天池汾水元和郡縣圖志

靜樂縣隋汾陽故宮在縣北百五十里天池在縣北燕京山上周廻八里唐書地理志嵐州靜樂武德四

年析置汾陽縣六年省有天池祠有管涔山有隋故

汾陽宮。天池在今寧武縣西南四十里。汾陽宮在今寧武縣西南六十里。又隋志太原郡所領縣有汾陽。舊曰陽曲。開皇六年改爲陽直。十六年又改名焉。舊唐書地理志陽曲。隋陽直縣。武德三年又置汾陽縣。七年省陽直改汾陽爲陽曲。考今靜樂縣及寧武縣之寧化堡。陽曲之西北境皆漢汾陽縣地。故隋唐所析置者猶本其舊。稱遠在今汾陽縣之北。晉書地理志司州河東郡有汾陽縣。魏書地形志龍門郡有汾陽縣。今爲河津縣境。又遠在今汾陽縣之南。今縣名卽起於明。萬歷二十三年蓋本宋金二汾陽軍之稱以之名縣耳。外此如國語夷吾私於公子繫曰中大夫里克與我矣。吾命之以汾陽之田百萬。史記晉世家夷吾遺里克書曰誠得立請遂封子於汾陽之邑。賈侍中云汾水名汾陽晉地而不言所在。其地要不出今平陽府境內。汾水之流今太平縣南。有地名汾陽爲縣境七鋪之一。曰汾陽鋪。又有汾陽山。雖不必舉以實汾陽之田。然可知地近晉都有名。汾陽者矣。國朝仍之。康熙初冀南道裁併於冀寧道。

縣之星野當仍晉之分星不改。左氏春秋及國語言參爲晉星詳矣。唐叔始封在今翼城縣之故唐城。城北曰

古堆坡有唐叔虞墓晉水卽晉峽之樂池水後人以太原有晉水遂謂唐叔始封於彼遠在翼之北且七百里不然矣子產所稱遷實沈於大夏主參唐人是因大夏服虔云在汾會之間是也杜預以大夏爲大原晉陽史記天官書晉之疆占於參罰漢書地理志魏地觜觶參之分壘也趙地昴畢之分壘西有定襄雲中五原黨唐書天文志一行以爲參成爲戎索爲武政當河東盡大夏之墟此大夏蓋用杜說宋史地理志河東路當觜參之分明史天文志汾州參分出清類天文分野書成於洪武十七縣境於漢屬太原郡漢書泥於太原郡爲七國時趙地從趙之昴畢分非也趙都邯鄲太原遠趙近魏宜同於魏不得因一時疆域所至定星之分野後代如北魏時以太白晝見在參爲太武幸隰城用兵西河之占此縣境占侯明驗也又四星聚觜觶參爲高齊始霸之占則太原晉陽亦觜觶參分矣

疆域 村市戶口風俗附

縣倚府郭東西廣百里南北袤六十五里北至太原府之文水縣界五十里東北至文水縣界四十里至縣治七十里東至平遙縣界四十里至縣治八十里東南至孝義縣界四十里南至孝義縣界十五里至縣治三十

五里西南薛頡嶺寧鄉縣界九十里至縣百四十里西至黃檀嶺永寧州界六十里至州治百七十里西北至永寧州百三十五里至太原府交城界百四十里自縣治東北至布政司二百二十里達京師千三百八十里

縣東與平遙分界大抵以汾水爲限而汾陽縣境有在數年前汾水故道之東者由汾水西徙故也今汾水行平遙界其境有在汾水之西者由汾水東徙故也西與永寧州分界以西山正脊南行左右分水定其疆域至南接孝義縣則西起薛頡嶺循金沙水而東三十餘里渠北爲汾陽渠南爲孝義以下乃交錯於二縣而汾陽之地孤懸於孝義孝義之地孤懸於汾陽者甚多如智裕一村周二十餘里在孝義縣西南越境殊遠蓋自晉至宋分合併省時畫分未清遂相沿至今耳

凡以里名者三十有六

舊五坊十二廂七十八里順治八年新彙爲四坊

節義

坊純懿坊里仁坊五名坊

三十六里又併汾州衛共四十一坊每

坊里額設鄉約四名地坊一名

北鄉太和里離城三里曰北郭村四里曰米家莊六

里曰新村。七里曰賈家莊。十里曰太平村。十五里曰金井村。曰耿家井。曰解家井。曰馬家井。董正里。離城十里。曰陳家莊。十三里曰董寺村。十五里曰古浮圖。羅城里。離城十五里。曰羅城鎮。曰小羅城。曰孔家堡。贊化里。離城十八里。曰大相村。二十里曰小相村。盡善里。離城二十里。曰下堡。二十二里曰上堡。二十五里曰西南頭。曰盡善北。曰毛兒莊。三十里曰馮家溝。曰郝家溝。曰莊兒上。四十里曰山莊頭。四十五里曰黃菜坡。五十里曰石老村。盡善南里。離城二十五里。曰盡善村。曰上廟村。三十里曰永安鎮。兩仁里。離城三十里。曰官道村。曰杜村。三十五里曰武家垣。曰張家堡。曰西張家堡。曰新莊村。曰後溝村。曰窯頭村。曰西堡。三十七里曰小仁岩村。仁愛里。離城二十七里。曰愛子村。三十里曰南浦村。四十里曰仁岩鎮。曰馬家街。曰文家莊。曰北文家莊。文會里。離城三十五里。曰王家社。四十里曰冀村鎮。曰古賢莊。五十里曰百金堡。曰東橙槽頭。曰西橙槽頭。和穆里。離城四十里。曰尹家社。曰李家街。四十五里曰狄家社。五十里曰裴家會。曰閻家社。

西鄉新家里。離城七里。曰莊子裏。十五里曰義豐村。

南曰桑棗坡二十里曰園頭村二十三里曰韓家原
頭二十五里曰北社裏曰楊家莊曰賀家莊曰靳家莊
三十里曰塢頭曰西莊曰林符泉三十五里曰北偏
城四十里曰中莊裏七十里曰子家塢曰社窠裏八
十里曰五家池宏文里離城三里曰南社村曰大下
社曰小下社五里曰石塔十里曰花枝村曰南垣底
十五里曰盧家莊二十里曰盧家園張堡豐里離城
十五里曰萬戶頭曰南垣上曰寨子上曰河底村十
七里曰辛莊村二十里曰侯家塢曰張家堡曰白草
坡二十五里曰下莊曰安家莊三十里曰楊家莊曰
北趙景王曰南趙景王曰趙莊曰下金莊曰上金莊
曰桑溝村曰後溝村王化里離城五里曰堡城司七
里曰宏寺村曰北垣底十里曰肅靜村曰前圪坨十
五里曰蔚家溝十八里曰王家溝二十里曰棗溝曰
張家坡曰王家圪塔曰溝北村曰上莊村曰下成家
莊曰熬坡裏二十二里曰上成家莊三十里曰安陸
莊曰開垣莊曰龍彎裏五十里曰王火莊五十五里
曰岩頭王民里離城十里曰肅靜村十五里曰後圪
塔二十里曰相子原三十里曰馮家山底白韓家原
四十里曰交口村四十五里曰關家莊五十里曰任

家莊曰上古城曰下古城五十五里曰馬家莊六十
里曰拐嶺底曰蒼兒會曰高家莊曰韓馮村六十五
里曰蔚家溝曰富家莊七十里曰任家疇曰趙家莊
八十里曰王家社曰麻峪口八十五里曰半溝裏九
十里曰崖底曰龍溪村曰黑暗村曰劉家疇九十五
里曰李家會百里曰習家塔百一十里曰寨子溝曰
岳家莊曰下莊百一十五里曰黃崖底百二十里曰
大園裏曰大運村和美里離城十里曰娘娘廟曰褚
家院曰前後莊下曰劉村曰梁家溝曰趙家街曰峪
道河口十三里曰李家溝曰崖頭十五里曰田家溝
二十里曰下均村曰俞家垣曰扁井村曰冰泉村曰
宋家莊曰坡頭二十五里曰褚家溝曰馬家舍二十
六里曰石匣子二十七里曰西南莊三十里曰郝家
莊曰向陽鎮曰黃家疇曰前後基家莊曰上林舍六
十里曰嶺底村孝友里離城三里曰南馮家莊四里
曰北馮家莊五里曰協和堡卽田村寨曰田村八里曰李
家莊十里曰下張家莊曰劉家莊曰劉家莊寨十三
里曰上張家莊曰郭家莊

東鄉迎春里離城五里曰古賢村三里曰曹家莊曰
蘇場村曰望春村八里曰陸員莊曰何家莊東南里

離城三里曰昌寧宮曰河北村四里曰西路家莊曰薛家街曰任家莊曰鱸場村曰吳南社五里曰趙家莊全義里離城三里曰鱸場村曰趙家鱸場五里曰東路家莊七里曰韋家莊十里曰義安村曰瀘城曰申家堡馬寨里離城十里曰宣柴堡十二里曰雷家堡十五里曰西馬寨二十里曰中馬寨曰東馬寨曰東河頭蕭莊里離城十五里曰蕭家莊曰八十堡十七里曰康家堡二十三里曰孫家莊恒豐里離城十五里曰安頭二十八里曰東堡莊曰西堡莊曰溫家莊曰白石村三十里曰演武村全澤里離城十二里曰史家堡十五里曰西莊村曰北莊村二十五里曰乾河村二十七里曰司馬莊三十里曰辛愛村中正里離城三十里曰西河堡曰西大王村三十五里曰韓家橋曰上達村曰李家圪塔三十五里曰大王村四十里曰萬化堡溢善里離城二十五里曰青堆二十六里曰魚蘭村曰孫家莊曰高家莊曰大回頭曰東窯莊三十里曰宋家莊四十里曰東九支社萃香里離城三十五里曰唐興莊曰辛城村三十五里曰東陳家莊三十七里曰西九支社曰郭家莊曰李家莊三十八里曰東社村

南鄉陽城喜里離城十里曰陽城鎮曰東陽城曰西陽城曰見喜村泉澤淵里離城二十里曰東官村曰西官村曰董和村曰虞城村曰堡會村二十五里曰北辛安曰中辛安曰閻家社武城俗里離城十五里曰東堡村二十里曰師家莊二十五里曰董家莊三十里曰辛愛村曰北小堡四十里曰辛莊村曰東大王村曰西大王村五十里曰北傅頭忠孝里離城十里曰陽城鎮曰陽城堡十五里曰上園村曰孝臣村曰田屯鎮曰小號城里仁美里離城八里曰喬家莊十里曰文侯村曰牧莊二十里曰段家莊曰斬屯二十五里曰張多村曰蘇家莊曰智園村鞏固里離城十里曰河北裏十五里曰義豐村北曰東龍官村曰西龍官村曰鞏村曰尙文村曰義豐村曰桑棗坡四十里曰石家莊潤澤洪里離城二十里曰三泉鎮曰人道村二十五里曰聶生村曰郭家莊曰張家堡曰任家堡曰趙家堡曰南園城曰郭家莊蕩平里離城二十五里曰東趙村曰西趙村曰東石村曰西石村曰上莊曰平陸村三十里曰員莊廣貞里離城三十里曰東賈壁曰西賈壁曰南馬莊曰北馬莊曰園家社曰孫家莊五十里曰陽泉曰張家莊曰東武家堡

曰各卷頭曰南廣成曰北廣成曰張家莊曰西武家
堡曰高家莊曰盧家莊曰東村曰石家莊六十里曰
南偏城曰鄧平坪曰南園城六十二里曰東火村曰
郭馮村

市集除在城四關外其餘凡十一處

舊志四關每日輪轉東關八日小南關七日南關七
日北關四日西關四日知州白夏續增二日嗣後紛
爭不已更置不一今東關小南關北關西關每關輪
遞一月五月府城隍廟會半月六月縣城隍廟會半
月其餘四鄉市期羅城鎮三九日永安鎮二七日仁
岩村四九日冀村一三五八日見喜村三六九日裴
家會二四六九日田屯鎮四七日三泉鎮五十日陽
城鎮一三六八日小相四六八日盡善四九日又義
豐村鹽務鎮青堆鎮人道村舊有今無

戶四萬九千九百五十有六男婦大口二十八萬三千
九百四十子女小口十五萬一千五百九十有九

此據乾隆

三十六年編戶民數

明洪武二十四年戶萬六百一十有七口八萬五千
七百五十有九隆慶五年戶萬三千六十有二口十
二萬七千八百有六萬歷三十一年戶萬三千六十

有二口十萬五千二百五十有四此見於萬歷中府志者以後縣志不載戶口不可詳稽

縣之風俗薛亨學記云俗尚儉重文義近競豪奢馮琦府治記云民物浩穰俗用侈靡訟獄滋繁


舊志正月五日俗謂之月忌家物不出十六日男婦出郊相牽以遊謂之走百病二十日家作煎餅食俗號填倉二十二日女不用鍼正月晦夜不點燈清明前一日寒食節增墳上土清明後一日名小寒食接女邀婿俗謂請新火四月一日簪皂角葉童男女以紅花子作總佩之六月六日曝衣造麵七月十五日

先一日掛紙馬於田間以祈秋收十月朔爲地臘祀先展墓望日祭天地號閉神門十二月五日煮五豆八日作臘酒臘醋二十三日晚家設錫糖以祀竈俗

名辭竈

書名 汾陽城志
 冊數 10
 冊價 8.00
 編號 35877
 北京中國人民大學圖書館

35877



汾陽城志

1734

1734